



JAVNA USTANOVA
DOM ZDRAVLJA
ZAVIDOVIĆI

Gazi Husrev-begova 25

tel.(032)878-877

fax (032)879-088

e-mail: polikzav@bih.net.ba

web : www.dzzavidovici.ba

Identifikacioni broj: 4218122690008

PDV broj: 218122690008

Žiro računi : ASA Banka d.d. Sarajevo : 1340300000007482

Raiffeisen bank d.d. BiH Sarajevo – filijala Zenica : 1610550009120069

UPRAVNI ODBOR

Broj:01-2.16-845/25

Datum:28.02.2025. godine

Upravni odbor JU „Dom zdravlja“ Zavidovići na osnovu člana 38. Statuta JU „Dom zdravlja“ Zavidovići i člana 70. i 89. Zakona o javnim nabavkama Bosne i Hercegovine („Službeni glasnik Bosne i Hercegovine“, broj: 39/14, 59/22 i 50/24), na svojoj 4. sjednici održanoj dana 28.02.2025. godine, donosi

ODLUKU

o izboru najpovoljnijeg ponuđača za nabavku
sanitetskog/zavojnog materijala – LOT 1 – KALI KO ZAVOJI

Član 1.

Okvirni sporazum za nabavku sanitetskog/zavojnog materijala – LOT 1 – KALI KO ZAVOJI za JU «Dom zdravlja» Zavidovići za 12 mjeseci, dodjeljuje se ponuđaču **GLOBEX d.o.o. Zenica.**

Član 2.

Ponuda ponuđača GLOBEX d.o.o. Zenica, u provedenom konkurentskom zahtjevu za dostavu ponuda, bila je prihvatljiva ponuda i nakon održane e-aukcije imala je najnižu cijenu, te će se ovom ponuđaču ponuditi Okvirni sporazum za nabavku sanitetskog/zavojnog materijala – LOT 1 – KALI KO ZAVOJI za JU „Dom zdravlja“ Zavidovići, u ukupnom iznosu od **5.415,00 KM bez PDV-a**, što sa PDV-om iznosi 6.335,55 KM.

Član 3.

Drugi po rangi, nakon provedene e-aukcije, bio je ponuđač Biotege d.o.o. Banja Luka sa ukupnom cijenom ponude u iznosu od 9.580,00 KM bez PDV-a.

Član 4.

Treći po rangu, nakon provedene e-aukcije, bio je ponuđač Krajinagroup d.o.o.Banja Luka sa ukupnom cijenom ponude u iznosu od 9.600,00 KM bez PDV-a.

Član 5.

Izabrani ponuđač će morati dostaviti original ili ovjerenu fotokopiju kvalifikacione dokumentacije u roku od 8 dana, od dana zaprimanja ove odluke, a kako je to navedeno u tenderskoj dokumentaciji i to:

a) uvjerenje Suda BiH i suda prema sjedištu pravnog lica, kojim dokazuje da u krivičnom postupku nije izrečena pravosnažna presuda kojom je osuđen za krivično djelo učešća u kriminalnoj organizaciji, za korupciju, prevaru ili pranje novca,

b) uvjerenje nadležnog suda ili organa uprave kod kojeg je registrovan ponuđač kojim se potvrđuje da nije pod stečajem niti je predmet stečajnog postupka, da nije predmet postupka likvidacije, odnosno da nije u postupku obustavljanja poslovne djelatnosti,

c) uvjerenja nadležnih institucija kojim se potvrđuje da je ponuđač izmirio dospjele obaveze za doprinose za penzijsko i invalidsko osiguranje i zdravstveno osiguranje.

d) uvjerenja nadležnih institucija da je ponuđač izmirio dospjele obaveze u vezi sa plaćanjem direktnih i indirektnih poreza,

e) rješenje o registraciji ili aktuelni izvod iz sudskog registra.

Član 6.

Izabrani ponuđač **ne mora dostaviti** original ili ovjerene fotokopije sljedeće kvalifikacione dokumentacije:

a) potvrdu (rješenje) o upisu u registar proizvođača ili veletrgovaca medicinskih sredstava.

Član 7.

Izabrani ponuđač ne mora dostaviti original ili ovjerene fotokopije dokumentacije iz člana 6. ove odluke iz razloga jer je u ponudi dostavio ovjerenu fotokopiju sljedećeg dokumenta:

a) Rješenje o upisu ponuđača u registar veleprometnika medicinskih sredstava izdato od Agencije za lijekove i medicinska sredstva BiH, broj: 10-07.12-6-7570-2/23 od 27.10.2023. godine – ovjerena fotokopija od 21.01.2025. godine.

Dokument naveden u stavu 1. ovog člana evidentiran je u Zapisniku o pregledu i ocjeni ponuda, broj: 01-2.13-575/25, a u Tenderskoj dokumentaciji, broj: 01-2.12-108/25 od 22.01.2025. godine, u tački 2.USLOVI ZA KVALIFIKACIJU I POTREBNI DOKAZI, podtačka 2.3., je propisano: „Ponuđač može u ponudi dostaviti ovjerenu fotokopiju dokumentacije iz podtački 2.1. i 2.2. ove tenderske dokumentacije, te u slučaju da bude odabran kao najpovoljniji ponuđač ne mora ponovo dostavljati ovjerenu fotokopiju dokumentacije.“

Član 8.

Ova odluka stupa na snagu danom donošenja.

Obrazloženje

Obavještenjem o nabavci br. 638-7-1-44-3-38/25 koje je objavljeno na portalu javnih nabavki dana 22.01.2024. godine i u "Službenom glasniku BiH" br. 4 od 24.01.2025. godine, objavljen je postupak javne nabavke sanitetskog/zavojnog materijala za JU «Dom zdravlja» Zavidovići za 12 mjeseci putem konkurentskog zahtjeva.

Tendersku dokumentaciju za predmetnu nabavku, sa portala javnih nabavki preuzelo je 17 ponuđača i to: BIOTEGA D.O.O. BANJA LUKA, EKAPIJA DOO, GLOBEX D.O.O. ZENICA, DERBY TRADE D.O.O., BBS EUROPE, BOSNALIJEK DD, PHOENIX PHARMA D.O.O., CHERKA COMPANY D.O.O., DIMED D.O.O. SARAJEVO, PHARMACOL INTERNATIONAL D.O.O., ENA D.O.O. SARAJEVO, TKAONICA ČILIMA D.D., DIA PROM D.O.O. POSUŠJE, KRAJINAGROUP D.O.O. BANJA LUKA, APOMEDICAL D.O.O., HERBAVITAL D.O.O. i PHARMACOM D.O.O. ŽEPČE.

Na adresu JU "Dom zdravlja" Zavidovići, za nabavku sanitetskog/zavojnog materijala –LOT 1 – KALIKO ZAVOJI dostavljene su tri ponude i to: Globex d.o.o. Zenica, Krajinagroup d.o.o. Banja Luka i Biotega d.o.o. Banja Luka.

Nakon pregleda dostavljene dokumentacije Komisija za javne nabavke utvrdila je da sve tri ponude odgovaraju uslovima iz tenderske dokumentacije, odnosno da su prihvatljive ponude.

Uputstvom za pripremu modela tenderske dokumentacije i ponuda ("Službeni glasnik BiH» broj 90/14) u članu 17. stav 7. propisano je da ugovorni organ obavezno od ponuđača traži objašnjenje cijene ponude koju smatra neprirodno niskom ako su ispunjeni slijedeći uslovi:

- a) cijena ponude je za više od 50 % niža od prosječne cijene preostalih prihvatljivih ponuda, ukoliko su primljene najmanje tri prihvatljive ponude, ili
- b) cijena ponude je za više od 20 % niža od cijene drugorangirane prihvatljive ponude.

Ponuda ponuđača Globex d.o.o. Zenica za nabavku sanitetskog/zavojnog materijala, za LOT 1 – KALIKO ZAVOJI, iznosila je 5.415,00 bez PDV-a.

Privatljive ponude ostalih ponuđača iznosile su 12.875,00 KM bez PDV-a i 11.745,00 KM bez PDV-a, što se može utvrditi iz Zapisnika o otvaranju ponuda od 03.02.2025. godine.

Procijenjena vrijednost nabavke za LOT 1 iznosila je 12.900,00 KM.

U slučaju ponude ponuđača Globex d.o.o. Zenica ispunjena su oba uslova iz člana 17. stav 7. Uputstva za pripremu modela tenderske dokumentacije i ponuda za traženje objašnjenja cijene ponude koju smatra neprirodno niskom.

Naime, cijena ponude ponuđača Globex d.o.o. Zenica iznosi 5.415,00 bez PDV-a, što je za 56,01 % niže cijena od prosjeka preostalih prihvatljivih ponuda, s obzirom da su primljene najmanje tri prihvatljive ponude, a u odnosu na drugorangiranu ponudu cijena ponude ponuđača Globex d.o.o. Zenica je za 53,90 % niža cijena od cijene drugorangirane prihvatljive ponude.

Shodno utvrđenom činjeničnom stanju, a u skladu sa članom 17. stav 7. Uputstva za pripremu modela tenderske dokumentacije i ponuda i članom 66. Zakona o javnim nabavkama, ugovorni organ će tražiti objašnjenje cijene ponude ponuđača Globex d.o.o. Zenica koju smatra neprirodno niskom u konkretnom postupku nabavke.

Objašnjenje neprirodno niske cijene ponuđač je bio dužan dostaviti u pisanoj formi, a isto je trebalo da sadrži detaljne informacije o relevantnim sastavnim elementima ponude, uključujući elemente cijene, odnosno razloge ponudene cijene, na način kao što je propisano članom 66. Zakona o javnim nabavkama.

Ponudač je odgovor, odnosno objašnjenje neprirodno niske cijene trebao dostaviti do 24.02.2025. godine do 12,00 sati.

Ponudač Globex d.o.o. Zenica, dana 20.02.2025. godine, putem faxesa, dostavio je Obrazloženje ponudene cijene od 20.02.2025. godine koje glasi:

"Poštovani,

U vezi Vašeg Zahtjeva broj: 01-2.15-621/25 od 20.02.2025. godine za pojašnjenje cijene ponude u konkurentskom postupku za nabavku Sanitetskog/zavojnog materijala za potrebe JU „Dom zdravlja“ Zavidovići (broj obavještenja 638-7-1-44-3-38/25 od 22.01.2025.), ovim putem potvrđujemo da ponudena cijena za LOT 1 - KALIKO ZAVOJI nije neprirodno niska i ista je u skladu sa tržišnim kretanjima. U mogućnosti smo isporučiti robu koja je predmet naše ponude po ponuđenoj cijeni i ovim putem potvrđujemo da ista sadrži sve troškove uključene u isporuku predmetne robe Ugovornom organu.

U ponuđenu cijenu po ponudi, za predmetni lot uračunati su svi elementi, uključujući nabavnu cijenu, nabavne troškove, troškove dostave do mjesta isporuke i našu maržu. Prema tome ponudena ukupna cijena ponude u iznosu od 5.415,00 KM bez PDV-a; odnosno 6.335,55 KM sa PDV-om sadrži sve elemente i predstavlja konačnu cijenu bez ikakvih dodatnih troškova.

Jedinične cijene su povoljne iz razloga što proizvode koje nudimo nabavljamo direktno od proizvođača u velikim količinama. Pored toga dugogodišnjim iskustvom smo postigli niske nabavne troškove odabirom najboljih logističkih rješenja. I na kraju na ukupnu nabavnu cijenu nuđenih proizvoda zaračunali smo minimalnu maržu imajući na umu dosadašnju saradnju sa Vašom ustanovom."

Nakon razmatranja obrazloženja ponudene cijene od ponuđača Globex d.o.o. Zenica, prihvaćeno je obrazloženje ponudene cijene od ponuđača Globex d.o.o. Zenica, te nastavljen postupak procjene sa uključujući i ponudu ponuđača Globex d.o.o. Zenica.

U ovom postupku nabavke predviđeno je provođenje e-aukcije.

„E-Aukcija“ je elektronski proces provođenja dijela postupka javne nabavke, koji uključuje podnošenje novih cijena, izmijenjenih naniže, i/ili novih vrijednosti određenih elemenata ponude, a odvija se nakon početne ocjene ponuda i omogućava njihovo rangiranje pomoću automatskih metoda ocjenjivanja u sistemu "e-Nabavke".

Nakon pregleda i ocjene ponuda za nabavku sanitetskog/zavojnog materijala –LOT 1 – KALIKO ZAVOJI za JU «Dom zdravlja» Zavidovići za 12 mjeseci, utvrđeno je da su sve tri ponude prihvatljive, usljed čega je ispunjen uslov za zakazivanje e-aukcije u sistemu e-Nabavke u skladu sa Pravilnikom o uslovima i načinu korištenja e-aukcije („Službeni glasnik BiH“, broj 80/23).

Ugovorni organ odlučio je da e-aukciju zakaže za 24.02.2025. godine sa početkom u 09:00 sati, te da će e-aukcija trajati 10 minuta.

Prvobitni rang ponuđača koji je utvrđen na osnovu cijena iz ponuda sa uračunatim popustom i na osnovu kojeg je i zakazana e-aukcija bio je sljedeći:

Ponuđač:	GLOBAL Zenica	KRAJINAGROUP Banja Luka	BIOTEGA Banja Luka	Najniža vrijednost ponude
Vrijednost	5.415,00	12.875,00	11.745,00	5.415,00
Rang	1	3	2	

Ugovorni organ iz sistema e-nabavke, preuzeo je izvještaj o toku i završetku e-aukcije 24.02.2025. godine u 11:58 sati, te je nakon okončane e-aukcije nastavio rad na ocjeni ponuda u ovom postupku.

Iz izvještaja se može utvrditi da su u toku e-aukcije podnošene nove ponude, te da je nakon okončane e-aukcije prvorangirani ponuđač Globex d.o.o. Zenica sa najnižom cijenom ponude u iznosu 5.415,00 KM bez PDV-a, drugi po rangu je ponuđač Biotega d.o.o. Banja Luka sa ukupnom cijenom ponude u iznosu od 9.580,00 KM bez PDV-a i treći po rangu je ponuđač Krajinagroup d.o.o. Banja Luka sa ukupnom cijenom ponude u iznosu od 9.600,00 KM bez PDV-a.

Nakon provedenog postupka ocjene prihvatljivih ponuda i provedene e-aukcije, prema utvrđenom kriteriju-najniža cijena Komisija je dala preporuku da se prihvati ponuda ponuđača **GLOBEX d.o.o. Zenica** kao najpovoljnija za nabavku sanitetskog/zavojnog materijala – LOT 1 – KALIKO ZAVOJI za JU «Dom zdravlja» Zavidovići, koja je u provedenom postupku javne nabavke, nakon provedene e-aukcije, imala najnižu cijenu u ukupnom iznosu od **5.415,00 bez PDV-a**, što sa PDV-om iznosi 6.335,55 sa KM.

Cijeneći pravilnost provedenog konkurentskog zahtjeva za dostavu ponuda za nabavku sanitetskog/zavojnog materijala – LOT 1 – KALIKO ZAVOJI za JU „Dom zdravlja“ Zavidovići, te datu preporuku od strane Komisije za javne nabavke, odlučeno je kao u dispozitivu ove Odluke.

PRAVNA POUKA: Protiv ove odluke može se izjaviti žalba u roku od 5 dana od dana prijema ove odluke.

Žalba se izjavljuje Uredu za razmatranje žalbi putem ugovornog organa u pisanoj formi direktno, elektronskim putem ili preporučenom poštanskom pošiljkom u tri primjerka, uz dokaz iz člana 105. stav (1) tačka i) Zakona o javnim nabavkama, o plaćenju naknade za pokretanje žalbenog postupka, u iznosu propisanom članom 108. Zakona o javnim nabavkama, na osnovu kojeg se može nesumnjivo utvrditi da je transakcija izvršena.

DOSTAVLJENO:

1. GLOBEX d.o.o. Zenica,
2. BIOTEGA d.o.o. Banja Luka,
3. KRAJINAGROUP d.o.o. Banja Luka,
4. a/a.



**PREDSJEDNIK
UPRAVNOG DBORA:**
Mehić Elvir, dipl. pravnik